

Emulsi

00 P<sub>4</sub>



Ein kurze / treuwe Warnung / Anzeig vnd  
Vnderricht:

**Ob auch zu dieser vnser**  
zeit vnter vns Christen / Hexen / Zäuberer /  
vnd Vnholden vorhanden: Vnd was sie außrich-  
ten können /z̄c. einfältig vnd fürklich

Durch M. Abraham Saur beschrieben vnd  
an Tag gegeben.

Sampt einer vorgehenden jetzt neuwlich zu Marburg auff dem  
25. tag Maij / des jetztwähren den 1582. Jars hingerichten Zäu-  
berinnen Bekandtnuß vnd Vrgicht.



I. Pet. 5.

Seht wacker vnd nüchtern / dann euwer Widersacher / der Teuffel / gehet  
vmbher wie ein brüllender Löwe / vnd suchet wen er verschlinge / dem wi-  
derstehet fest im Glauben /z̄c.

M. D. LXXXII.

M A O  
B 35



## Buchtrucker zum Leser.

Es haben viel von Hexerey  
Geschrieben: Aber nicht einerley.  
Doch hat Abraham Saur den Streit  
Nur auff drey Bogen gfaßt nicht weit.  
Andre habens gar bundt gemacht/  
Dieser fein schlecht an taze bracht.  
Ein jeder hat sein eigen Haupt/  
Wers besser macht/ist jm erlaubt.  
Doch bitt ich dich Leser in G. mein/  
Du wöllst dir diß lassen lieb seyn/  
Bis mir ein bessers kompt zur Hand/  
Wil ich dir machen auch bekandt.  
Gott wöll vns vor des Teuffels List  
Behüten/jezt vnd zu aller frist.  
A M E N.



**Urgicht einer jetzt neuwlich hingeg-  
richten vnd verbrandten Zäuberin.**

In der Güte / ante Torturam.



**E**kkennt/die Eva möge schwach worden  
seyu/ Desgleichen die Kuhe/ꝛ. der Schade sey  
von jr der Hexin herkommen/ vielleicht durch ei-  
nen Wunsch.

Sie sey eines Abends ihres Wegs gangen / da sey ihr  
Bul zu jr kommen/mit jr zu schaffen gehabt/vnd jr gerahen/  
das Viehe zu beschedigen/wolt aber nicht sagen/ Wie.

Die Leut halten sie für ein Zäuberin / vnd sey auch der  
Leut eine.

**D**arnach ist sie erkandtem Rechten  
nach auffgezogen.

Bekendt in der Tortur/ja sie hab der Euen geträumet/  
daß es jr am allerliebsten das sie hette / abgehen solt/ꝛ. Das  
Viehe habe sie mit Giffte beschädiget/ vnnnd der Unflat (also  
nannte sie jren Bulen den Teuffel)habs jr bracht.

Sie hab dem Viehe das Giffte eyngelassen / vnnnd der  
Teuffel mache sie unsichtbar / daß sie in die Ställ komme.

Sie brauche durch den Unflat ein Eutsch in einem  
Düpfen/das nenne man das Roth oder Liebchen / stehe an ei-  
nem seyden Faden / Sprechhe / Roth hole mir Milch ins  
Teuffels Namen. Vnd der Unflat schaffe jr die Eutsch ins  
Düpfen/vnd weise sie drauff/das soll jr Rath seyn.

Bekennt weiter/sie habe den Articulierten beyden Füll-  
lin in der Nacht das Giffte eyngelassen / der Unflat habe die  
beyde Füllin gehalten.

A ij Sie

Sie bekennet ferrner / Sie hab das Articulierte Bihe bes-  
schädiget / vnd von dem Giffte haben sie also geplöcket / vnn-  
d seyen davon auffgelauffen / die Augen haben ihnen getroffen /  
die Zeene gewackelt / r̄. Mit einem Holz habe sie den Rūhen  
die Mäuler auffgebrochen / vnd das Giffte engeblasen.

*Inna Trüffel  
ist abgelegt  
leben.*

Sagt weiter / Ja sie sey ein Hexin worden / vnd jr Mut-  
ter die ein Königin vnder den Hexen sey / habe sie es gelehret /  
in beyseyn des Vnflats / der sie auch geheissen / dem HERRN  
Christo abzusagen / vnd sich mit ihm zu verbinden / wolt ihr  
Gelts gnuq geben / vnd wann er jr etwas gegeben / so sey es zu  
Pferdtsdreck worden / vnn d solle in die grosse Kranckheit stof-  
fen / Vnd er der Vnflat (also nannte sie allwege den Teuffel)  
verheiß jnen in jrem Bundt / wann man in nenne / so wolle er  
bey jnen seyn / vnd wann sie in Federhans geneit / sey er allweg  
bey sie kommen.

Sagt ferrner / Ja sie hab sich vor etlichen Jaren dem  
Teuffel mit jrem Blut / so er jr ab jrer Stirn mit einer Klaus-  
wen genommen / verpflichtet vnd verbunden / sey eins Abends  
beym Feuer geschehen / jr Mutter sey darbey gewesen / die in  
gefördert habe.

Sagt / Wann sie zun Tänken fahren wollen / so hab sie sich  
mit Salben vmb die Stirn geschmieret / vnn d einen Besem  
neben jren Mann gelegt / Es seyen auff den Tänkplätzen ge-  
wesen N.N.N.N.N.N. r̄. vnn d es führe sie der Vnflat nicht  
auff dem Ruckē / sonder sie schmiere sich / daß sie zum Schorn-  
stein auffahre / r̄.

Bericht weiter / Wann sie die Milche den Rūhen nems-  
me / so spreche sie / r̄. Bete vmb ein gnediges Vrtheil / vnn d  
sprach: Es sey dem bösen Feind nun ein Stab gesteckt / daß er  
nicht mehr mit jr zu schaffen haben möge.

Actum Marp. den 10. Maij Anno 52.

In

In der Hexerey ist:

Prima causa ipse Deus,	Deus permittit.
Secunda <u>Satanas,</u>	<u>Satanas efficit.</u>
Tertia <u>Lamia,</u>	<u>Lamia consentit</u> & cooperatur.

*Ilia vel rumpant Satana, plures mihi praesto  
Sunt comites; circum qui sua castra locant.*



Ein kurze/treue Warnung/Anzeige  
vnd Unterrichts:

Ob auch zu dieser vn-  
ser Zeit / vnter vns Christen / Hexen/  
Zauberer vnd Vnholden verhanden/ Vnd  
was sie außrichten könn-  
en/ &c.

**S**ind/lieben Christen/viel Leuth/  
auch zu dieser vnser Zeit/die da sagen vndd  
gläuben/das vnter Christen Leuth/ Zäubes-  
rer vnd etwan böse Leuth/so mit dem Teuf-  
fel zuhielten/ &c. gar nicht verhanden seyn  
müsten: So doch/ wer etwas in den Histo-  
rien gelesen/man zu aller zeit Zauberer vnd Vnholden/auch  
vnter dem Volck Gottes befunden/wie auch die H. Schrifte  
beyd altes vnd neues Testaments etliche Zauberer anzeiget/  
Als im alten Testament wirdt des Zauberers Bileams ge-  
dacht/ Item/der Schwarzkünstler/so mit Mose dem Mann  
Gottes vordem König Pharone gestanden / Item der Zäus-  
berin/so dem König Saul liß den Propheten Samuel sehen  
vnd hören. Im neuen Testament / des Zauberers Simos-  
nis/ &c. Auch so gibts die Erfahrung bey vns / das von Tage  
zu Tage solch Laster eyngerissen/ vnd auß gewissen Vmbs-  
ständen vnd Indicien offenbar vnd war erscheynet. Derwes-  
gen sie auch nicht vnbillich zu jederzeit verhässig gemache  
vnd gestrafft worden / Als Exodi 22. beficht Gott dem Is-  
raelitischen Volck / sie solten die Zauberinnen nicht leben las-  
sen. So

Num. 22. vnd  
23. cap.  
Exod. 7.

1. Sam. 28.  
Actor. 8.

Straff der  
Zauberer.

sen. So schleust auch der heilige Geist im neuen Testament  
 solche böse Leuth auß dem Reich Gottes / da gesagt wirdt: Gal. 5.  
 Kein Hurer / Ehebrecher / Knabenschender / Mörder / Trun-  
 kenbold / Zäuberer / soll vñ wirdt das Reich Gottes ererben.  
 Auch zu der zeyt des Keyfers Constantij vñnd Juliani (wie  
 im neunnden Buch Codicis vnter dem 6. Gesäß geschrieben  
 stehet) waren solche Leuth / dieweyl sie der Natur feind vñnd  
 zuwider sind / stracks vom Leben zum Tode verdampft vñnd  
 hingerichtet / Aber zu dieser vnser zeyt werden sie nicht vnbil-  
 lich mit Feuer verbrennt / gleich wie die Ketzer / vñnd das be-  
 darff keines beweyß / dann wir sehen solche Straff genugsam  
 vor Augen / daher zu schliessen / daß Zäuberer je vñnd allwege  
 auch vnter Gottes Volck gewesen / vñnd noch seyen.

Von ihrer Gewalt aber / vñnd was sie außgerichtet oder  
 außrichten können / ic. wil ich kürzlich berühren / Vñnd damit  
 auch dieser Handel zum bessern Verstandt gebracht vñnd ge-  
 nommen mög werden / wil ich vornemlich drey Puncten vñnd  
 Stücke zu tractieren vor mich nehmen / Vñnd zum ersten  
 anzeigen / Ob auch der Teuffel vñnd sein Anhang / die Zäu-  
 berer / können Vñne vñnd Menschen schaden zufügen / vñnd wie  
 ferne / ic. Zum andn / Ob auch insondheit die Zäuberer für sich  
 einigen schaden thun / Wetter machen / vñnd in einem Hur zur  
 Gesellschaft vñnd Wollust / went vber etliche Meyl Wegs  
 fahren / Auch mit dem Teuffel fleischlich zuhalten können.  
 Vñnd dann letztlich fürs dritte / Ob auch der Teuffel vñnd  
 sein Anhang zukünfftige Dinge / noch vngeschehen / vorher  
 weyßsagen könnten / ic. Von diesen Puncten etwas nützliches  
 zu handlen / wolle Gott sein Gnad verleyhen / durch Jesum  
 Christum vnsern HERZEN vñnd Heylandt / Amen.

So viel nun den ersten Punct belanget / sagt von der  
 Gewalt des Teuffels / S. Petrus in seiner I. Epistel am 5.  
 Capitel / Seyt wacker vñnd nüchtern / Dann ewer Widersa-  
 cher

Zäuberer Ge-  
 walt.  
 Thensung dies-  
 ses Tractats  
 von Hexen /  
 Zäuberer vñnd  
 Dabholden.

I.

II.

III.

Teuffels Ge-  
 walt.

cher der Teuffel gehet umbher/wie ein brüllender Löwe/vnnd  
suchet wen er verschlinge.

Es ist aber ihm dem Teuffel ein Ziel gesteckt / darüber  
er niemandt versuchen noch verschlingen kan / Als in der His-  
tori S. Jobs flugs im anfang des 1. Capitels zu sehen/ Das  
selbs dan also stehet: Vnd der HERR sprach zum Sathan/  
Sihe alles was er hat/ sey in deiner Hand / ohn allein an ihn  
selbst lege dein Hand nicht. Vnd Luce 4. vom Kampff des  
Teuffels mit dem HERRN Christo/stehet: Da der Teuffel  
alle Versuchung vollendet hatte/ließ er ihn. Vnd die En-  
gel Gottes tratten hinzu/vnd dieneteten ihm/2c. Daß wol hiez  
aus in etwas des Teuffels Gewalt erscheinet / sich aber doch  
nicht weiter erstreckt/dann Gott zuläßt vnd verhänget / wels-  
cher auch in die Säuw zu fahren nicht vermochte / biß es ihm  
vom HERRN Christo erlaubet ward / Matth. 8. Ja es  
muß sich auch vor dem lebendigen vnnd Allmechtigen Gott  
der Teuffel selbst fürchten / wie geschrieben stehet: Diaboli  
credunt & contremiscunt, das ist / Die Teuffel gläuben vnd  
erzittern vor Gott. Item/ In Christi Namen sollen vnd müs-  
sen sich beugen alle Creaturen im Himmel vnnd auff Erden/  
wie auch in der Hell die Teuffel/ 2c. Daher dann auch der  
Sathan schreyet/ vnd zu Christo spricht / Marc. 1. Jesu von  
Nazareth/was haben wir mit dir zu schaffen/du bist kommen  
vns vor der zeit zu quelen/2c.

Wann nun den bösen Geistern die Leuth zu plagen vnd  
schaden zu thun von Gott verhänget wirdt/ müssen wir auch  
die Ursachen/warumb solches geschicht/wissen. Es sind aber  
dessen vornemlich drey/ Zum ersten geschichts vnd läßt vns  
Gott straffen vmb vnser Sünde willen. Die Sünde ist ein  
Ursach alles Unglücks. Zum andern / Vmb vnser Besses-  
rung vnd Busz willen / daß wir zu Gott desto brünstiger ruf-  
fen/ Abba lieber Vatter. Zum dritten / geschichts zur Proba-  
der

Der Teuffel  
kan nichts auß-  
richten/es ver-  
hengt im dan  
Gott.

1. Reg. 22.

Jacobi 2.

Ursach/war-  
umb Gott dem  
Teuffel ver-  
hengt/die Leut  
zu straffen.

der Frommen / daß sie im angelegten Creuz gedultig seyen/  
vnd von Gott nicht abfallen / wie das ganze Exempel S.  
Jobi außweyset.

Solches soll vns billich bewegen / daß ein jeder in diesem  
sterblichen Leben vnd Jammerthal sich fleissig zum Gebet  
des HERRN halte / vnd mit janniglichem vnd brünstigem  
Geist spreche: HERR führe vns nicht in versuchung / Son-  
der erlöse vns von allem Vbel / Amen. Vnd wann solches  
alsdann nicht geschieht / vns dennoch gedultig erzeigen /  
glauben vnd wissen / daß entlich auch das vorstehende Creuz  
vnd Vnglück / vnd ob es schon noch zehen / zwenzig oder dreis-  
sig Jar an einander wahren solte / muß auffhören vnd zur  
ewigen Freude verwandelt werden. Darumb spricht auch  
getrost der Königliche Prophet David / kein Vnglück fürchte  
te ich / dann du bist bey mir / das ist / auff dich allein verlaß ich  
mich / dein Steck vnd Stab trösten mich / das ist / ich halte  
mich fleissig an dein heiligs Wort / 2c. Item / Wer vnter dem  
Schirm des Höchsten sitzt / vnd vnter dem Schatten des All-  
mechtigen bleybt / der spricht zu dem HERRN: Mein Zus-  
versicht vnd mein Burg / mein Gott / auff den ich hoffe / 2c.  
Vnd mögen alle Christen dem Teuffel wol trutz bieten / daß  
er mehr schaden solte / dann Gott wolte / Wie auß nachfol-  
gendem Rhythmo, so vor etlichē Jaren ich zu Trost meiner  
Seelen hin vnd wider auß heiliger Schrifft zusamen gelesen  
habe / zu sehen stehet / hoc modo:

Matth. 6.

**D** **Im** A T O H

Matth. 8.

Im Creutz vñ Gfahr/

Gott

schläfft nicht gar/

Rom. 8.

Ist

Gott mit vns/

so ist's vmb sonst /

Kein Teuffels List/

vns

schädlich ist.

Esai. 8.

Ist nicht

Gott

vnser Emanuel/

Johan. 3.

Der vns

mit

seinem Blut löset schnelle

Psal. 91.

Tros/ Teuffel/ Todt/

vns

schad kein Noth.

II PARS

Quit Magie  
Saja pome

Der ander Punct/ Ob auch insonderheit die Zäuberer/ das ist/ die von Gott abfallen / vnd dem leidigen Teuffel dienen/ schaden thun/ vnd durch ihre Zäuberer Wetter machen/ zur Gesellschaft vnd Bollust went vber etlich Meyl Wegs fahren köndten/ 2c. Ist etwas Bund vnd vielen Leuthen verborgen / darumb er in der kürze nicht kan/ soll noch mag degeidert werden. Ich sage aber/ soviel ich vermercke / daß solche Leuth zumal nichts können/ sondern was dessen geschicht/ das thut entweder die Natur / oder Gott verhengts dem Sathan/ welcher dann fortan sein Gäuckelwerck vnd Spiegel fechtens mit den armen Leuthen treybet / daß sie schwüren/ sie für sich hetten diß oder ihenes gethan / diß oder das Wetter gemacht/ auff Bollust vnd Dankspläze sich sehen vnd hören lassen/ mit dem Teuffel gebulet / Kinder erzeuget/ vnd was des Narrenwercks mehr ist / 2c. Wie solten doch die armen verfluchten Leut vnd Zäuberer die Luft endern/ Wettermachen/ vnd den Leuten Kranckheit vnd anders zufügen können/ so es doch der Teuffel/ jr Meyster/ für sich selbst nit vermag/ vnd wanns geschicht/ so muß ihm Gott dasselbige verhengen vnd zulassen/ sonst ist es dem Teuffel nicht möglich/ ein einiz

ges

Wret mach  
Rafon/ Rhuu  
Sü nise

Wc pnt  
Lufte Expi  
no lra

NOTA

ges Haar auff des Menschen Haupt zu krümmen/oder einige Minuten an der zeit zu verrücken. Stünde solches in sein des Teuffels Gewalt / so würde er warlich das Spiel hefftig treiben/vñ die Menschen/sonderlichen die frommen/verderben vnd außtilgen. Daher sagt S. Chrysostronus im ersten Buch vber Mattheum: Der Teuffel darff die Menschen nicht so hoch versuchen / als er gern wolte / dann wann es an ihm stünde / würde er nimmermehr auffhören zu versuchen/welches sein vornembstes vnd einiges Werck ist/ Sintemal er sonst weder isset noch schläffet / noch etwas anders thut/ dann daß er versuche/betriege vnd verderbe/das ist sein Speise. So wil nun Chrysostronus/er der Teuffel könne nicht so hoch versuchen/als er begere / 2c. Wie kompt es aber (möcht einer fragen) daß gleichwol schaden geschicht/Leut vnd Vihe verderbet/vnd greuliche Wetter gehört werden? Die Ursachen sind droben bey dem ersten Punct gehört. Ferner möcht einer fragen/Wie dörfen dan die Zäuberer in iren Bekannissen vñd Brgichten sagen/auch darauff sterben/das sie diß oder ihenes Wetter oder Schaden gemacht hetten? Es ist der Sathan ein Tausentkünstler / ein scharpffsinniger Physicus vñd in der Astronomi geschwinder Geist/derselbige/wann er auß natürlichen dingen vñ Constellationibus vermercket / daß Gewitter kommen werden/ äffet vnd blendet er die armen Leut / daß sie Wasser vbersich giessen/Holz vñd Stein mit gebrassel ins Wasser werffen/oder sonst ihr Gauckelwerck treiben / daß sie meynen / sie hetten also durch ihr Gauckelen das Wetter erwecket/ vñd schwüren einen Eyd darzu/es sey durch sie vnd nicht anders zugegangen. Also auch/wann der Teuffel durch verhengniß Gottes die Leut plagt vnd strafft (dann er ist Gottes Nachrichter) so vberredt vnd betriegt er die arme Leut/sie sollen diß oder jens thun/gibt jnen etwan auch Materi darzu/so schwüren sie/das Unglück oder

Verba Chry-  
sostroni.

Sage dem  
sie, sie mag  
wird!

Huc no scilicet  
vñ

Teuffel ist  
Gottes Nach-  
richter.



Canon in cap. Episcopi. 26. q. 5. sagt im Text: Hie ist zu melden / wie etliche böse Weiber / die sich dem Teuffel ergeben / N O T A  
vnd durch desselbigen betrug vnd blendung meinen vnd bekennen / daß sie bey nächtllicher weyl mit Diana der Heydnischen Göttin / vnd mit Herodiade vnd einer grossen anzahl Weiber auff Thieren reiten / bey eyteler Nacht / wann ander Leut schlaffen / ombreysen / auch ihrer Frauen Befelch treulich gehorsam vnd gewertig sind / vnd zu gewissen Nächten auffgemahnet werden. Es were aber wol zu verschmirken / daß diese Weiber ires abfalls haben allein verdampt weren / vnd nicht auch viel andere durch sie in gleiches verderben geführt würden. Dann es sind vberaus viel Leut fälschlich be- redt / daß sie sich diesem Narrenwerck auch ergeben / vnd von dem rechten Glauben abtrinnig werden. Hie möcht aber wider einer ein eyrede führen / vñ sprechen mit verwundernuß / Lieber was sagstu / wie kompts dann daß die Hexen / Zäuberer vnd Buholden / die Leut auß andern Stätten vnd Flecken / die sie doch zuvor mit Augen nie gesehen / kennen vnd zu nennen wissen? Antwort / Das geschicht gleichfalls mit Betrug vnd verblendung des Teuffels / der im Schlaf ein ding inen mit gestalt durch Fantasey so starck vorbildet / daß sie nicht anders meinen / dann sie sehen die Leut persönlich / essen vnd trincken / redten / vnd lebten leiblich mit inen / gleich als wann einer in einem Traum liget / es vnd trinck mit den Leuten / thet dis vnd das / vnd wann einer erwacht / so sinds lauter Fantasey vñ Träume / re. darauff nichts zu bauen. Des wil ich etliche Exempel erzehlen.

Woher die Hexen einander kennen.

Träume sind Lügen. Syrach 34.

Man schreibt / daß dem Alexandro Magno sey in einem Traum die Gestalt vnd Person des obersten Priesters vnter den Jüden fürkommen / vnd hab in vermahnet / daß er ein Zug in Asiam fürnemme. Wie nun Alexander gen Jerusalem kompt / vnd sihet den Hohenpriester jm entgegen kommen in seiner

Alexander Magnus erkennt den Priester zu Jerusalem / da er in doch zuvor nie gesehen hat.

Johannes  
Kensersberg  
bewenset vnn  
offenbaret des  
Teuffels Be-  
trug mit den  
Nachtferren.

seiner Priesterlichen Kleidung / springe er vom Pferd / be-  
weist im alle Ehr vnd Reuerenz. Da nu solches sein Haupt-  
leut sahen / verwunderten sie sich sehr darüber / warumb er sol-  
ches / das er sonst nicht gethan / sekunder fürhette? Da antwor-  
tet inen der Alexander Magnus / vnd spricht: Dieser Priester  
ist mir im Traum / da wir noch daheim waren / fürkommen /  
vnd mich vermahnet / das ich diesen Zug in Asiam fürnehme /  
vñ gesagt: Das ich durch in wider meine Feinde soll siegen / zc.  
Ein anders / Johannes Kensersberger / ein sehr gelehrter  
Mañ / der etwan auff ein zeit Prediger ist gewesen zu Straß-  
burg / hat dieses erzehlet / das der Teuffel im Schlaff in einer  
Zauberin solches Spiel vnd Gauckelen geübet habe / vnnnd ire  
mancherley Träume erzehlet. Da solchs die Predicanten des  
Orts nicht haben glauben wollen / vnnnd es für Gauckelen ge-  
halten / so habe diese Zauberin einen Predicanten mit sich  
heyngesührt / vñ wie sie sich in ein Bactrog gelegt / sey sie ent-  
schlaffen / darnach habe sie mit den Händen / Kopff vnnnd gan-  
zem Leibe / also hin vnd wider geschlagen vnnnd sich geweglet /  
eben als flöge sie in der Luft oder tanzte. Disz aber hat so lang  
gewähret / bisz von dem schlagen vnd stampffeln der Bactrog  
sich umbgekehret / vnnnd sie auff den Söller / nicht gering ver-  
wundet / gefallen sey. Wie sie nun erwachet / da habe sie wun-  
derbarliche Sachen / die sie mitler zeit gesehen vnd gehandelt  
hette / angezeigt. Sie sey aber durch die Wunden / die sie auß  
dem fall des Bactrogs bekommen / oberweist vnd oberzeu-  
get worden / das sie nicht ferrn / sonder gegenwertig / gewest  
sey.

Der Sathan  
erzenget sein  
Werck im  
Traum auff  
ein andere  
weyß.

Desgleichen findet man Leuth / sonderlich die gegen  
Mitternacht wohnen / welche sagen / das sie in Wölff verwanz-  
delt werden / vnd hin vnd wider das Viehe zerreißen / zc. Dies-  
ser Wolffsmenschen einer hat ein frommen / ehrlichen / gelehr-  
ten Mann zu Rigaw in Liffland / der in in der Gefängnuß  
besucht /

besucht/2. berichtet / daß er am Ostertage / da er schon in der  
Gefängnis gelegē ist / sey auß derselben zu Haus / die seinen  
zu besichtigen / welche vil Meyne von im waren / gezogen. Da  
er gefragt ward / Lieber / wie bistu auß der Gefängnis kommen?  
Antwort er / Gar leichtlich. Du hast aber gleichwol grosse  
Wasser auff dē Wege / wie bistu drüber kommen? Antwort er /  
Ich bin vber solche Wasser gestogē. Lieber was sagstu zu deinem  
Hausgesinde? Antwort er / Ich gieng vmb sie wie ein Wolff /  
reckte die Schnauzen auß / rührte vnd sahe sie an / vnd erfuhre  
re. was sie vorhatten. Warumb bist du denn wider in die Ge-  
fängnis kommē / da du ein mal derselbigen entlediget bist ges-  
wesen? Zu diesem antwort er / Ich habe müssen wider drey  
kommen. Ja hinder sich/2. Wer verstehet aber solches nicht /  
daß es Gauckelen vnd Teuffelsträume sind / vnnnd daß dieser  
arme / elende vnd verblendte Mensch sey gefangen blieben vñ  
verblendet gewesen. Ferrner / so lieset man in des H. Germani  
Legend / ein solche Histori : Als gemeldter Germanus vber  
Nacht in einem Haus gelegen / vnd man nach dem Nachtes  
sen den Tisch auff ein neuwes hat zugericht / dessen sich Ger-  
manus hoch verwundert / vnnnd den Wirt gefraget / wem er  
den Tisch widerumb decke? Darauff der Wirt geantwortet /  
Den guten Männern vnd Weibern / so bey Nacht wandern.  
Derhalben nam im der H. Germanus für / dieselbe Nacht vñ  
ber zu wachen / sahe ein grosse anzahl der Teuffel / aller ge-  
stalt / wie Männer vnnnd Weiber zu Tisch sitzen / vnd gebott  
nen / von dannen nicht zu weichen / wecket auch jederman im  
Hause auff / vnd fraget sie / ob jnen auch diese Leut bekant we-  
ren? Als sie nu sagten / es weren eytel Nachbahren vnd Nach-  
baurin / schickt er sie von Haus zu Haus / vnnnd fand sie alle in  
jren Betthen schlaffen. Germanus beschwur auch die Geis-  
ter / daß sie bekennen mußten / daß sie böse Geister weren / vnd  
die Menschen also betrogen. Da sihet man / daß die bösen  
Geister:

*Ein Gölting  
vnd Teuffelström  
mit dem Wolff  
myle*

Germanus  
erkennt vnnnd  
offenbaret des  
Teuffels Be-  
trug mit den  
Nacht farten.  
NOTA.

Geister weren / vnd die Menschen also betrogen. Da sieht man / daß die bösen Geister sich in eines Menschen Gestalt verwandeln vnd erscheinen können / also daß man meynet das Gespenst sey eben der Mensch. Es lehret auch diese Historia / daß ein Mensch zu einer stunde an einem Orth seyn / vnd sich ein Geist an seiner statt an einem andern Orth nichts desto weniger erzeugen könne / gleich wie diese Leut bey nächtllicher weyl in iren Häusern vnd Bettthen lagen / vnd doch ein Teuffels Gespenst eben zu derselben zeit in der Herberge vber dem Nachtesen hat sehen lassen.

*00 9 Trüffel  
Kind Geiz.*

Kinder zeugen  
ist nicht allein  
der Menschen  
sonder auch  
Gottes  
Werck.

Genes. 30.

*Hoc verba  
he sup. li.  
worum.*

Also achte ichs auch vor nichts seyn / daß der Teuffel fleischliche Wercke treiben vnd Kinder erzeugen könnte / Sondern er ein Geist ist / vnd kein Fleisch noch Blut hat. Vnd man findet nirgend geschriben / daß ein Weib ohne zuthun eines Manns etwan von einem Geist (ohn allein was sich mit vnserm HERRN vnd Heyland Jesu Christo vbernaturlicher weyse hat zugetragen) solte Kinder gezeugt vnd erworben haben. Dann Kinder zeugen / ist nit allein der Menschen sond' auch Gottes Werck / welche die lebendige Krafft / Spiraculum vitæ, darzu auch verleihen muß. Daher dann der Patriarch Jacob zu seiner Rachel / als sie begeret er solt ihr Kinder schaffen / nicht vnbillich gesagt: Bin ich doch nicht Gott / der dir deines Leibs Frucht nicht geben wil. Das kan aber der Teuffel mit List vnd Betrug (dann er ein Tausentkünstler ist) wol zuwegen bringen / daß er menschliche Gestalt ansich nimpt / auch wie ein Mensch sich gebäret / Aber nichts anders dann lauter Affenwerck / schendung vnd blendung ist. Vnd wann Kinder verhanden / so müßens gestolne Kinder seyn / wie dann der Teuffel wol Kinder stelen kan / als man dann bisweylen / vnd sonderlich vngetauffte Kinder in den sechs Wochen verleuret / oder müssen Supposititij seyn / Wechselkinder / da der Teuffel eins vor das ander hinleget. D. Luther in seio

in seinen Colloquijs oder Tischreden/ sagt / daß er selbst von  
H. Johan Friderich/ Churfürsten zu Sachsen/ ein Historien  
gehört hette/ daß ein Geschlecht vom Adel in Teutschen Lan-  
den gewesen / dieselbigen weren geboren von einem Succubo,  
denn so nennet mans/ wie denn die Melusina zu Lükelsburg auch  
ein solcher Succubus oder Teuffel gewesen ist.

Es were aber also zugangen: Ein Edelman hatte ein  
schön jung Weib gehabt/ die war ihm gestorben/ vnd auch be-  
graben worden. Nicht lang darnach/ da ligt der Herr vnd der  
Knecht in einer Kammer beyeinander / da kompt des Nachts  
die verstorbene Fraw/ vnd lehnet sich vber des Herrn Betthe/  
gleich als redete sie mit ihm. Da nun der Knecht sahe/ daß sol-  
ches zwiren nach einander geschach/ fraget er den Junckern/  
was es doch sey / vnd ob ers auch wisse/ daß alle Nacht ein  
Weibsbild in weissen Kleydern für sein Betth käme/ &c. Da  
sagt er neyn/ er schlaffe die ganze Nacht auß / vnd sehe nichts.  
Als es nun wider Nacht ward / gibt der Juncker auch acht  
drauff/ vnd wachet im Betthe. Da kompt die Fraw wider für  
das Betthe/ Der Juncker fraget/ wer sie sey/ vnd was sie wöl-  
le? Sie antwort sie sey sein Hausfraw. Er spricht / bistu doch  
gestorben vnd begraben. Da antwortet sie / Ja / sie habe sei-  
nes Fluchens halber vnd vmb seiner Sünde willen sterben  
müssen / wölle er sie aber wider zusich haben/ so wolt sie wider  
sein Hausfraw werden. Er spricht / Jha / wenns nur geseyn  
kündte / Aber sie bedinget auß/ vnd vermähnet ihn/ er müste  
nicht fluchen (wie er dann einen sonderlichen Fluch an ihme  
gehabt hatte) denn sonst würde sie bald wider sterben. Dieses  
sagt ihr der Mann zu/ da bleyb die verstorbene Fraw bey ihm/  
regieret im Hause/ schläfft bey ihm / isset vnd trincket mit ihm/  
vnd zeugete Kinder. Nun begibt sichs/ daß einmal der Edel-  
man Gäste krieget/ vnd nach gehaltenen Mahlzeit/ auff den  
Abend das Weib einen Pfefferkuchen / zum Obs auß einem  
Kasten

NOTA.  
Exempel wie  
der Teuffel die  
Leut betriegen  
vnd Kinder  
zeugen kan.

Kasten holen solt/ vnd bleyb lang aussen/ Da wirdt der Mann  
schellig/ vnd fluchet den gewöhnlichen Fluch/ da verschwindt  
die Fraw von stund an/ vnd war mit ihr auß. Da sie nun nicht  
wider kam/ gehen sie hinauff in die Kammer/ zu sehen/ wo die  
Fraw bliebe. Da ligt ihr Rock / den sie angehabt/ halb mit den  
Ermeln in den Kasten / das ander theyl aber heraussen/ wie  
sich das Weib hatte in den Kasten gebücket / vnd war das  
Weib verschwunden/ vnd sider der zeyt nicht gesehen worden.  
Das thut der Teuffel/ er kan sich in einer Frawen vnd Manns  
gestalt verkehren. Iam est quaestio: Ob das rechte Weiber  
seyen / vnd obs rechte Kinder seyen? Darvon sind das meine  
Gedancken/ daß es nicht rechte Weiber seyn können/ sondern  
es sind Teuffel/ vnd gehet also zu: Der Teuffel macht ihnen  
die Gepler vor den Augen vnd betreuget sie / daß die Leute  
meynen/ sie schlaffen bey einer rechten Frawen/ vnd ist doch  
nichts. Desgleichē geschichts auch/ wann es ein Mann ist/ denn  
der Teuffel ist kräftig bey den Kindern des Unglaubens/  
wie S. Paulus sagt. Hæc Lutherus. Helimandus erzehlet  
im 4. Buch ein gleiche Histori/ welche auch Vincentius an-  
zeucht / vnd also spricht: In dem Bistthumb Colln ist ein bes-  
rumbter vnd grosser Palast/ an dem Rheyn gelegen / vnd lu-  
uamen, (ist das Schloß Cleuen/ sonst Cygnea) genant/ Als  
dieselbst auff ein zeyt viel Fürsten bey einander gewesen/ ist ein  
Schiff daher gefahren kommen / welches ein Schwan an ei-  
ner silbern Ketten vmb den Hals gebunden / zu Lande gefüh-  
ret hat. Darauf ist bald ein frembder vnd vormals unbekann-  
ter Kriegsmann gesprungen / vnd darnach das Schiff von  
dem Schwan wider hinweg geführet worden. Diser Kriegs-  
man hat hernach ein Weib genommen vnd Kinder gezeuget.  
Als er aber auff ein zeyt in demselben Pallast gessen vnd  
gesehen/ daß der Schwan wider kommen/ vnd das Schiff an  
seinem Hals mit der Ketten geführet hat/ ist er eylends in das  
Schiff

Ephes. 2.  
2. Thess. 2.

**N O T A.**  
Ein ander  
Exempel von  
einem Kriegsmann.



N. O. T. A.  
Wie vnd wo  
her der Teufel  
zukünftige  
dinge wisse vñ  
offenbare.

2  
vbung vnd grosser geschwindigkeit/2. Hiervon sagt der H.  
Augustinus sehr schön/welches auch in Decreto, cap. Scien-  
dum, 27. quæst. 4. angezogen wirt. Man soll wissen / daß die  
Teuffel von Natur eins Geistlichen Wesens sind/mit Bers-  
stand vnd Geschwindigkeit die irrdische Creaturen weit vbers-  
treffen/vnd von wegen ihrer natürlichen behendigkeit nicht als-  
lein dem Menschen vñ Bihe mit schnellem lauff/sonder auch  
den Vögeln in der Luft mit fliegen leichtlich vberlegen sind.  
Dieweil sie dann diese zween vorthail von Natur haben/neme-  
lich/daß sie scharpffsinniges Verstandts vnd schneller bewez-  
gung sind/So können sie auch offtermals von einem dinge  
sagen ehe es geschicht/darüber sich die Menschen/als die eines  
irrdischen groben verstandts sind/höchlich verwundern. Zu-  
dem/haben die Teuffel auch nu lange zeit her/so lange sich jr  
Leben erstreckt hat/viel mehr erfahren können / dann irgend  
ein Mensch bey seinem kurzen Leben. Nach diesen Engen-  
schafften/damit ihr Geistlich Wesen vnd Natur begabet ist/  
können sie viel dings weissagen vnd vollbringen. Dieweil aber  
die Menschen dergleichen weder thun noch sagen können/  
meynen sie darumb/die Teuffel seyen wol wehrt / daß man  
ihnen diene/vnnd Göttliche Ehre beweise/sonderlich weil sie  
der vorwis auch stichet / vnnd vor der bösen Welt gern hoch  
vnd wol daran weren. Vnd dieweil hie von des Teuffels  
Weissage die frage ist/so muß man wissen/daß sie gemeinlich  
solch ding weissagen/die sie selbst willens sind zu thun / Dañ  
sie bekommen offtermals Gewalt/die Leut zu frencken/den  
Luft zu vergifften/vnnd den Weltkindern böses in den Sinn  
zu geben/sonderlich wo sie wissen/daß man ihnen gern folgen  
werde. Daher sie dann wunderbarer vnnd unsichtbarer  
weise/nach ihrer subtilē Natur / in der Menschen Leibe schleis-  
chen/ehe sie es innen werden/nemmen ire gedancken eyn / vnd  
bilden inen / beydes im schlaff vnd sonsten wann sie gleich was-  
che//

chen/einen wahn eines vermeintē befelchs für/bißweilen thun  
sie es auch selber. Sie verkündigen aber solche ding/die dem  
Menschē nicht zu wissen sind/welche sie aber natürlicher weis  
se/vnnd auß etlichen Gemercken verstehen. Denn es ist ein  
Arzt nicht darumb für ein Warfager oder Gott zu halten/  
dieweil er von Sachen weiß zu sagen/die anderen/so dieser  
Kunst vnerfahrē sind/nicht verstehen/Solt es aber ein Wun  
der seyn / daß gleich wie ein Arzt auß des Menschen Leibs  
Complexion / gestalt vnnd gelegenheit künfftige Kranckheit  
oder Gesundheit warnimpt vñ anzeigt: Also auch die Teuf  
fel auß gewissen Zeichen vnd Gemercken des Himmels Lauff/  
der vns Menschen verborgen ist/zukünfftige Witterung vera  
kündigen können? Es können auch die Teufel nit allein auß der  
Menschen Worten/sonder auch auß etlichen eusserlichen Ges  
berden/damit sie ihres Herken Gedancken offenbaren/offters  
mals künfftige/aber noch zurzeit heimliche dinge / wissen vnd  
weissagen/welches hernach ander Leut/die dieser Sachen nit  
warneñen/für entel Wunderwerck halten. Hæc Augustinus.

Hirbeneben ist auch fleissig zu mercken/wann der Teuf  
fel vnd sein Anhang ja weissagen sollen/davon sie noch keinen  
wahren bericht haben/so geben sie zweiffelhafftige Dracul vñ  
antwort von sich/ als dann gewesen: Aio te Romanos vins  
cere posse, Das ist/ich sage dir gewißlich/daß die Römer dein  
Kriegsleute vberwinden werden. Welchs auff beide theil ver  
standen wirt/Nemlich/daß dein Kriegsleut die Römer/oder  
die Römer dein Kriegsleut vberwinden werden/Damit wer  
den andern vberwunden hatte/it gleichwol sein des Teuffels  
Weissagung bestünde. Also verstehet man / wie vnnd  
wann die Teuffel heimlichkeiten wissen / vnnd zukünfftige  
dinge weissagen können / vnnd daß ihren Worten / als dar  
inn lauter Betrug vnd Argelist zu finden/nicht zu glauben  
sey.

E. iij. Dec.

Ex 2. lib. in  
p. 1. f. 1. 2. 3. 4.  
p. 1. 2. 3. 4.

Tubia und de  
omnibus

Der Allmächtige/ewige / barmherzige G. Gott / durch  
welches Gnade wir erhalten vnnnd selig werden / wölle vns in  
diesem zeitlichen Leben vor allem Vbel behüten vnd bewaren /  
auff das wir frey von allem Eyngeben / Betrug vnnnd Blen-  
dung des Teuffels / im allein dienen mögen / von  
nun an bis in Ewigkeit /  
Amen.

### Ephes. 6. Cap.

Wir haben nicht mit Fleisch vnd Blut zu kämpffen /  
sonder mit Fürsten vnnnd Gewaltigen / nemlich mit den  
Herren dieser Welt / die im Finckerniß dieser Welt herr-  
schen / mit den bösen Geistern / vnter dem Himmel / ꝛc.

### Psalm XCI.

**W** Er vnter dem Schirm des Höchsten sitzt / vnd vnter  
dem Schatten des Allmächtigen bleibt.

Der spricht zu dem HERRN / mein zuversiche  
vnd meine Burg / mein Gott auff den ich hoffe.

Denn er errettet mich vom Strick des Jägers / vnnnd von  
der schädlichen Pestilenz.

Er wirt dich mit seinen Fittigen decken / Vnd deine zuvers  
sicht wirt seyn vnter seine Flügeln / Sein Warheit ist Schutz  
me vnd Schild.

Das du nicht erschrecken müßest für dem grauwen des  
Nachtes / für den Pfeilen die des Tages fliehen.

Für der Pestilenz / die im finstern schleicht / Für der Scuz  
che die im Mittage verderbet.

Ob tausent fallen zu deiner leyten / vnd zehen tausent zu deis  
ner Rechten / so wirt es doch dich nicht treffen.

Ja du wirst mit deinen Augen deine Lust sehen / vnd schau  
wen wie es den Gottlosen vergolten wirt.

Denn

Denn der HERR ist deine Zuversicht / Der Höhest ist deine  
Zuflucht.

Es wirt dir kein Übels begegnen / vnd kein Plag wirdt zu  
deiner Hütten sich nahen.

Denn er hat seinen Engeln befohlen vber dir / daß sie dich  
behüten auff alle deinen Wegen.

Daß sie dich auff den Händen tragen / vnd du deinen Fuß  
nicht an einen Stein stoffest.

Auff den Löwen vnd Ottern wirst du gehen / vnd treten  
auff die jungen Löwen vnd Drachen.

Er begeret mein / so wil ich im außhelffen / Er kennet mei-  
nen Namen / darumb wil ich in schützen.

Er ruffet mich an / so wil ich ihn erhören / ich bin bey ihm in  
der Not / Ich wil in heraus reissen vnd zu ehren machen.

Ich wil in settigen mit langem Leben / Vnd wil im zeigen  
mein Heyl.

E N D E.

Gedruckt zu Franckfurt am Mayn.



M. D. LXXXII.

Faint, illegible text in a Gothic script, likely bleed-through from the reverse side of the page. The text is arranged in several lines, with some larger initial letters.

Faint, illegible text, possibly a title or a section header, centered on the page.




M. D. LXXIX



M 8567  
(X 2210185)

ord., 3 M  
und 7/6.  
rietta Tonelli. 4  
und 11/10, 2 M ba  
Langsteiner. 4 M  
11





B.I.G.

Farbkarte #13

Ein kurze / treuswe Warnung / Anzeige vnd  
Vnderricht:

Ob auch zu dieser vnser  
zeit vnter vns Christen / Hexen / Zäuberer /  
vnd Vnholden vorhanden: Vnd was sie außrich-  
ten können /zē. einfältig vnd fürzlich

Durch M. Abraham Saur beschrieben vnd  
an Tag gegeben.

Sampt einer vorgehenden jetzt neuwlich zu Marburg auff den  
25. tag Maij / des jetztwähren den 1582. Jars hingerichten Zäu-  
berinnen Bekandnuß vnd Vrgicht.



I. Pet. 5.

Seht wacker vnd nüchtern / dann ewer Widersacher / der Teuffel / gehet  
vmbher wie ein brüllender Löwe / vnd suchet wen er verschlinge / dem wi-  
derstehet fest im Glauben /zē.

M. D. LXXXII.

M A O  
B 35

